

四庫全書

史部

欽定四庫全書

欽定續文獻通考卷九十四

王禮考

后妃命婦以下首飾服章制度

臣等謹按宋后妃命婦以下首飾服章制度寧宗以後可見於史者惟理宗紹定三年有出封樞庫緡錢二十萬製皇后褱衣事然亦無關於制度也若遼史所載自太宗大同元年正月入晉後惟太

后與北班契丹臣僚用國服已見於君臣冕服門  
矣儀衛志載國服中之祭服皇后戴紅帕服絡縫  
紅袍懸玉佩雙同心帕絡縫烏鞞小祀服之若臣  
僚命婦服飾則各從本部旗幟之色其可見者略  
如此

金制皇后冠服

花珠冠用盛子一青羅表青絹襯金紅羅托裏用九  
龍四鳳前面大龍銜穗毬一朵前後有珠花各十有

二及鸛鵒孔雀雲鶴王母隊仙人浮動挿綽等後有  
納言上有金蟬鏤金兩博鬢以上並用鋪翠滴粉縷  
金裝珍珠結製下有金圈口上用七寶鈿窠後有金  
鈿窠二穿紅羅鋪金欵幔帶一 祿衣深青羅織暈  
翟之形素質十二等領標襪並紅羅織成雲龍中單  
以素青紗製領織成黼形十二標袖襪織成雲龍並  
織紅縠造裳八副深青羅織成翟文六等標襪織成  
紅羅雲龍明金帶腰蔽膝深青羅織成翟文三等領

緣緞色羅織成雲龍明金帶大綬一長五尺濶一尺

黃赤白  
黑縹綠六采織成小綬三色同大綬間七寶鈿窠施

三玉環上碾雲龍拏金線織成大小綬頭紅羅花襯

大帶青羅朱裏紕其外土以朱錦下以綠錦鈕約用

青組拏金線織成帶頭玉珮二朶每朶上中下橫各

一半月墜子各二並玉碾鏤金打釵獸面篋鈎佩子

各一水葉子真珠穿綴青衣革帶用鏤金青羅裏造

上用金打釵水地龍鳶眼錠尾龍口攀束子共八事

以玳瑁襯金釘脚抹帶二紅羅青羅各一並明金造  
各長一丈五寸烏以青羅製白綾裏如意頭明金黃  
羅準上用玉鼻真珠裝綴繫帶襪青羅表裏綴繫帶  
犀冠減撥花樣鏤金裝造上有玉簪一下有玳瑁  
盤一

命婦之服

宗室及外戚并一品命婦衣服聽用明金  
即大定二十年四月  
之制也期親雖別籍女子出嫁並同又五品以上官母

妻許披霞帔惟首飾霞帔領袖腰帶許用明金籠金  
間金之類其衣服止用明銀象金及金條壓繡正班  
局分承應帶官人雖未出職係班其祖母及母妻子  
孫之婦同籍兄弟之妻及在室女孫娣妹並同又禁  
私家用純黃帳幕陳設若曾經宣賜鸞輿服御日月  
雲肩龍文黃服五箇鞞眼之鞍皆須更改

婦人常服

婦人服襜裙多以黑紫上編繡全枝花周身六襞積

上衣謂之團衫用黑紫或皂及紺直領左衽掖縫兩旁復為雙襞積前拂地後曳地尺餘帶色用紅黃前雙垂至下齊年老者以阜紗籠髻如巾狀散綴玉鈿於上謂之玉逍遙此皆遼服也金亦襲之許嫁之女則服綽子製如婦人服以紅或銀褐明金為之對襟彩領前齊拂地後曳五寸餘

金史輿服志曰大定十三年制婦人首飾不許用珠翠鈿子等物翠毛除許裝飾花環冠子餘外並



禁

元制命婦服飾

衣服一品至三品服渾金四品五品服金答子六品  
以下惟服銷金并金紗答子首飾一品至三品許用  
金珠寶玉四品五品用金玉珍珠六品以下用金惟  
耳鐶用珠玉同籍不限親疎期親雖別籍并出嫁同  
草木子曰元朝后妃及大臣之正室皆帶姑姑高  
圓二尺許用紅色羅蓋唐金步搖之遺制也

臣等謹按元史輿服志不載后妃服色即命婦以下亦止見仁宗延祐元年定服色等第中今詳如

右

明制皇后冠服

太祖洪武三年定受冊謁廟朝會服禮服其冠圓匡冒以翡翠上飾九龍四鳳大花十二樹小花數如之兩博鬢十二鈿褱衣深青繪翟赤質五色十二等素紗中單蔽領朱羅縠標襪裾蔽膝隨衣色以緞為領

緣用翟為章三等大帶隨衣色朱裏紕其外上以朱  
錦下以綠錦紐約用青組玉革帶青襪青舄以金飾  
成祖永樂三年定制飾翠龍九金鳳四中一龍銜大  
珠一上有翠蓋下垂珠結餘皆口銜珠滴珠翠雲四  
十片大珠花小珠花數如舊三博鬢飾以金龍翠雲  
皆垂珠滴翠口圈一副上飾珠寶鈿花十二翠鈿如  
其數托裏金口圈一副珠翠面花五事珠排環一對  
皂羅額子一描金龍文用珠二十一翟衣深青織翟

丈十有二等間以小輪花紅領標襖裾織金雲龍文  
中單玉色紗為之紅領標襖裾織黻文十三蔽膝隨  
衣色織翟為章三等間以小輪花四以緞為領緣織  
金雲龍文玉革帶青綺鞢描金雲龍文玉事件十金  
事件四大帶表裏俱青紅相半末純紅下垂織金雲  
龍文上朱緣下綠緣青綺副帶一綬五采黃赤白纁  
質間施二玉環皆織成小綬三色同大綬玉佩二各  
用玉珩一瑀一琚二衝牙一璜二瑀下垂玉花一玉

滴二瑑飾雲龍文描金自珩而下繫組五貫以玉珠  
行則衝牙二滴與二璜相觸有聲上有金鈎有小綬  
五采以副之纁質織成青韉烏飾以描金雲龍皂純  
每烏首加珠五顆

皇后常服

洪武三年定雙鳳翊龍冠首飾釧鐲用金玉珠寶翡  
翠諸色團衫金繡龍鳳文帶用金玉四年更定龍鳳  
珠翠冠真紅大袖衣霞帔紅羅長裙紅褙子冠制如

特髻上加龍鳳飾衣用織金龍鳳文加繡飾

永樂三年更定冠用阜穀附以翠博山上飾金龍一  
翊以珠翠鳳二皆口銜珠滴前後珠牡丹二花八藥  
翠葉三十六珠翠穰花鬢二珠翠雲二十一翠口圈  
一金寶鈿花九飾以珠金鳳二口銜珠結三博鬢飾  
以鸞鳳金寶鈿二十四邊垂珠滴金簪二珊瑚鳳冠  
背一副大彩霞帔衫黃霞帔深青織金雲霞龍文或  
繡或鋪翠圈金飾以珠玉墜子琢龍文四袂襖子即

子深青金繡團龍文鞠衣紅色前後織金雲龍文或繡或鋪翠團金飾以珠大帶紅綫羅為之有緣餘或青或綠各隨鞠衣色緣襪襖子黃色紅領標襪裾皆織金采色雲龍文緣襪裾紅色綠緣襪織金采色雲龍文玉帶如翟衣內制第減金事件一玉花采結綬以紅綠綫羅為結玉綬花一瑑雲龍文綬帶玉墜珠六金垂頭花辦四小金葉六紅綫羅繫帶一白玉雲樣玳瑁二如佩制有金鈎金如意雲蓋一下懸紅組

五貫金方心雲版一俱釵雲龍文襯以紅綺下垂金  
長頭花四中小金鐘一末綴白玉雲朶五青鞵烏與  
翟衣內制同

皇妃冠服

洪武三年定皇妃受冊助祭朝會禮服冠飾九翬四  
鳳花釵九樹小花數如之兩博鬢九釵翟衣青質繡  
翟編次於衣及裳重為九等青衫中單黻領朱縠標  
襖裾蔽膝隨裳色加文繡重雉為章二等以緞為領



緣大帶隨衣色玉革帶青鞵烏佩綬常服鸞鳳冠首飾釧鐲用金玉珠寶翠諸色團衫金繡鸞鳳不用黃帶用金玉犀又定山松特髻假鬢花鈿或花釵鳳冠真紅大袖衣霞帔紅羅裙褙子衣用織金及繡鳳文永樂三年更定禮服九翟冠二以阜穀為之附以翠博山飾大珠翟二小珠翟三翠翟四皆口銜珠滴冠中寶珠一座翠頂雲一座其珠牡丹翠穠花鬢之屬俱如雙鳳翊龍冠制第減翠雲十又翠牡丹花穠花

各二面花四梅花環四珠環各二其大彩霞帔燕居  
佩服之飾俱同中宮第織金繡琢俱雲霞鳳文不用  
雲龍文

九嬪冠服

世宗嘉靖十年始定冠用九翟次皇妃之鳳大衫鞠  
衣如皇妃制

內命婦冠服

洪武五年定三品以上花釵翟衣四品五品山松特

髻大衫為禮服貴人視三品以皇妃燕居冠及大衫霞帔為禮服以珠翠慶雲冠鞠衣褙子緣襖襖裙為常服

宮人冠服

制與宋同紫色團領窄袖徧刺折枝小葵花以金圈之珠絡縫金帶紅裙弓樣鞵上刺小金花烏紗帽飾以花帽額綴團珠結珠鬢梳垂珠耳飾

皇太子妃冠服

洪武三年定禮服與皇妃同

永樂三年更定九翬四鳳冠漆竹絲為匡冒以翡翠  
上飾翠翬九金鳳四皆口銜珠滴珠翠雲四十片大  
珠花九樹小珠花數如之雙博鬢飾以鸞鳳皆垂珠  
滴翠口圈一副上飾珠寶鈿花九翠鈿如其數托裏  
金口圈一副珠翠面花五事珠排環一對珠阜羅額  
子一描金鳳文用珠二十一翟衣青質織翟文九等  
間以小輪花紅領標襪裾織金雲龍文中單玉色紗

為之紅領襖褙裙領織黻文十一蔽膝隨衣色織翟  
為章三等間以小輪花三以緞為領緣織金雲鳳文  
其帶綬玉佩韞烏之制俱同皇妃

又洪武三年定常服犀冠刻以花鳳首飾釧鐲衫帶  
俱同皇妃四年定冠亦與皇妃同

永樂三年定燕居冠以阜穀為之附以翠博山上飾  
寶珠一座翊以二珠翠鳳皆口銜珠滴前後珠牡丹  
二花八葉翠葉三十六珠翠穰花鬢二珠翠雲十六

片翠口圈一副金寶鈿花九上飾珠九金鳳一對口  
銜珠結雙博鬢飾以鸞鳳金寶鈿十八邊垂珠滴金  
簪一對珊瑚鳳冠皆一副其大衫霞帔燕居佩服之  
飾俱同皇妃

親王妃冠服

受冊助祭朝會服禮服洪武三年定九翬四鳳冠永  
樂三年又定九翟冠制同皇妃其大衫霞帔燕居佩  
服之飾同東宮妃第金事件減一玉綬花琢寶相花

文

公主冠服

與親王妃同

世子妃冠服

永樂三年定與親王妃同惟冠用七翟

郡王妃冠服

永樂三年定冠用七翟與親王妃世子妃同其大衫霞帔燕居佩服之飾俱同親王妃第繡雲霞翟文不用

盤鳳文

郡王長子夫人冠服

珠翠五翟冠大紅紵絲大衫深青紵絲金繡翟褙子  
青羅金繡翟霞帔金墜頭

郡主冠服

永樂三年定與郡王妃同惟減四珠環一對

鎮國將軍夫人冠服

與郡王長子夫人同輔國將軍夫人冠服與鎮國將



軍夫人同惟冠用四翟抹金銀墜頭奉國淑人冠服  
與輔國將軍夫人同惟褙子霞帔金繡孔雀文鎮國  
中尉恭人冠服與奉國將軍淑人同輔國中尉宜人  
冠服與鎮國中尉恭人同惟冠用三翟褙子霞帔金  
繡鴛鴦文銀墜頭奉國中尉安人冠服與輔國中尉  
宜人同惟大衫用丹礬紅褙子霞帔金繡練鵲文  
縣主冠服

珠翠五翟冠大紅紵絲大衫深青紵絲金繡孔雀褙

子青羅金繡孔雀霞帔抹金銀墜頭郡君冠服與縣  
主同惟冠用四翟翟子霞帔金繡鴛鴦文縣君冠服  
與郡君同惟冠用三翟鄉君冠服與縣君同惟大衫  
用丹礬紅翟子霞帔金繡練鵲文

命婦冠服

洪武元年定命婦一品冠花釵九樹兩博鬢九鈿服  
用翟衣繡翟九重素紗中單黼領朱紬褙裾蔽膝  
隨裳色以緞為領緣加文繡重翟為章二等玉帶青

襪舄佩綬二品冠花釵八樹兩博鬢八鈿服用翟衣  
八等犀帶餘如一品三品冠花釵七樹兩博鬢七鈿  
翟衣七等金革帶餘如二品四品冠花釵六樹兩博  
鬢六鈿翟衣六等金革帶餘如三品五品冠花釵五  
樹兩博鬢五鈿翟衣五等烏角帶餘如四品六品冠  
花釵四樹兩博鬢四鈿翟衣四等烏角帶餘如五品  
七品冠花釵三樹兩博鬢三鈿翟衣三等烏角帶餘  
如六品自一品至五品衣色隨夫用紫六品七品衣

色隨夫用緋其大帶如衣色四年以古天子諸侯服  
袞冕后與夫人亦服褱翟今羣臣既以梁冠絳衣為  
朝服不敢用冕則外命婦亦不當服翟衣以朝命禮  
部議之奏定命婦以山松特髻假鬢花鈿真紅大袖  
衣珠翠戴金霞帔為朝服以珠翠角冠金珠花釵濶  
袖雜色綠緣為燕居之服一品衣金繡文霞帔金珠  
翠妝飾玉墜二品衣金繡雲肩大雜花霞帔金珠翠  
妝飾金墜子三品衣金繡大雜花霞帔珠翠妝飾金

墜子四品衣繡小雜花霞帔翠妝飾金墜子五品衣  
銷金大雜花霞帔生色畫絹起花妝飾金墜子六品  
七品衣銷金小雜花霞帔生色畫絹起花妝飾鍍金  
銀墜子八品九品衣大紅素羅霞帔生色畫絹妝飾  
銀墜子首飾一品二品金玉珠翠三品四品金珠翠  
五品金翠六品以下金鍍銀間用珠五年更定品官  
命婦冠服一品禮服用山松特髻翠松五株金翟八  
口銜珠結正面珠翠翟一珠翠花四朶珠翠雲喜花

三朶後鬢珠梭毬一珠翠飛翟一珠翠梳四金雲頭  
連三釵一珠簾梳一金簪二珠梭環一雙大袖衫用  
真紅色霞帔褙子俱用深青色紵絲綾羅紗隨用霞  
帔上施威金繡雲霞翟文釵花金墜子褙子上施金  
繡雲霞翟文常服用珠翠慶雲冠珠翠翟三金翟一  
口銜珠結鬢邊珠翠花二小珠翠梳一雙金雲頭連  
三釵一金壓鬢雙頭釵二金腦梳一金簪二金脚珠  
翠佛面環一雙鐲釧皆用金長襖長裙各色紵絲綾

羅紗隨用長襖緣襖或紫或綠上施威金繡雲霞翟  
文看帶用紅綠紫上施威金繡雲霞翟文長裙橫豎  
金繡纏枝花文二品特髻上金翟七口銜珠結餘同  
一品常服亦與一品同三品特髻上金孔雀六口銜  
珠結正面珠翠孔雀一後鬢翠孔雀二霞帔上施威  
金雲霞孔雀文釵花金墜子褙子上施金繡雲霞孔  
雀文餘同二品常服冠上珠翠孔雀三金孔雀二口  
銜珠結長襖緣襖看帶或紫或綠並繡雲霞孔雀文

長裙橫豎欄並繡纏枝花文餘同二品四品特髻上  
金孔雀五口銜珠結餘同三品常服亦與三品同五  
品特髻上銀鍍金鴛鴦四口銜珠結正面珠翠鴛鴦  
一小珠鋪翠雲喜花三朶後髻翠鴛鴦二銀鍍金雲  
頭連三釵一小珠簾梳一鍍金銀簪二小珠梳環一  
雙霞帔上施繡雲霞鴛鴦文鍍金銀釵花墜子褙子  
上施雲霞鴛鴦文餘同四品常服冠上小珠翠鴛鴦  
三鍍金銀鴛鴦二挑珠牌髻邊小珠翠花二朶雲頭



連三釵一梳一壓鬢雙頭釵二鍍金簪二銀脚珠翠  
佛面環一雙鐲釧皆用銀鍍金長襖緣襖繡雲霞鴛  
鴦文長裙橫豎欄繡纏枝花文餘同四品六品特髻  
上翠松三株銀鍍金練鵲四口銜珠結正面銀鍍金  
練鵲一小珠翠花四朶後鬢翠梭毬一翠練鵲二翠  
梳四銀雲頭連三釵一珠緣翠簾梳一銀簪二大袖  
衫綾羅紬絹隨所用霞帔施繡雲霞練鵲文釵花銀  
墜子褙子上施雲霞練鵲文餘同五品常服冠上鍍

金銀練鵲三又鍍金銀練鵲二挑小珠牌鐲釧皆用  
銀長襖緣襪看帶或紫或綠繡雲霞練鵲文長裙橫  
豎襴繡纏枝花文餘同五品七品禮服常服俱同六  
品其八品九品禮服惟用大袖衫霞帔褙子大衫同  
七品霞帔上繡纏枝花釵花銀墜子褙子上繡摘枝  
團花通用小珠慶雲冠常服亦用小珠慶雲冠銀間  
鍍金銀練鵲三又銀間鍍金銀練鵲二挑小珠牌銀  
間鍍金雲頭連三釵一銀間鍍金壓鬚雙頭釵二銀

間鍍金腦梳一銀間鍍金簪二長襖緣襖看帶並繡  
纏枝花餘同七品又定命婦團衫之制以紅羅為之  
繡重雉為等第一品九等二品八等三品七等四品  
六等五品五等六品四等七品三等其餘不用繡雉  
二十四年定制命婦朝見君后在家見舅姑并夫及  
祭祀則服禮服公侯伯夫人與一品同大袖衫用真  
紅色一品至五品紵絲綾羅六品至九品綾羅絢絹  
霞帔褙子皆深青段公侯及一品二品金繡雲霞翟

文三品四品金繡雲霞孔雀文五品繡雲霞鴛鴦文  
六品七品繡雲霞練鵲文大繡衫領濶三寸兩領直  
下一尺間綴鈕子三末綴鈕子二鈕在掩鈕之下拜  
則放之霞帔二條各繡禽七隨品級用前三後四墜  
子中鈿花禽一四面雲霞文禽如霞帔隨品級用笏  
以象牙為之二十六年定一品冠用金事件珠翟五  
珠牡丹開頭二珠半開二翠雲二十四片翠牡丹葉  
一十八片翠口圈一副上帶金寶鈿花八金翟二口

銜珠結二二品至四品冠用金事件珠翟四珠牡丹  
開頭二珠半開四翠雲二十四片翠牡丹葉一十八  
片翠口圈一副上帶金寶鈿花八金翟二口銜珠結  
二一品二品霞帔褙子俱雲霞翟文釵花金墜子三  
品四品亦用霞帔褙子俱雲霞孔雀文釵花金墜子  
五品六品冠用抹金銀事件珠翟三珠牡丹開頭二  
珠半開五翠雲二十四片翠牡丹葉一十八片翠口  
圈一副上帶抹金銀寶鈿花八抹金銀翟二口銜珠

結子二五品霞帔褙子俱雲霞鴛鴦文鍍金釵花銀  
墜子六品霞帔褙子俱雲霞練鵲文釵花銀墜子七  
品至九品冠用抹金銀事件珠翟二珠月桂開頭二  
珠半開六翠雲二十四片翠月桂葉一十八片翠口  
圈一副上帶抹金銀寶鈿花八抹金銀翟二口銜珠  
結子二七品霞帔墜子褙子與六品同八品九品霞  
帔用繡纏枝花墜子與七品同褙子繡摘枝團花  
品官之祖母及母以下冠服

洪武元年禮部尚書崔亮奉詔議定內外品官之祖母及母與子孫同居親弟侄婦女禮服合以本官所居職品級通用漆紗珠翠慶雲冠本品衫霞帔褙子緣襖襖裙惟山松特髻子許受封誥敕者用之品官次妻許用本品珠翠慶雲冠褙子為禮服銷金潤領長襖長裙為常服

士庶妻冠服

洪武三年定制士庶妻首飾用銀鍍金耳環用金珠

釧鐲用銀服淺色團衫用紵絲綾羅紬絹五年令民間婦人禮服惟紫絕不用金繡袍衫止紫綠桃紅及諸淺淡顏色不許用大紅鴉青黃色帶用藍絹布女子在室者作三小髻金釵珠頭髻窄袖褙子凡婢使高頂髻絹布狹領長襖長裙小婢使雙髻長袖短衣長裙成化十年禁官民婦女不得僭用渾金衣服寶石首飾正德元年令軍民婦女不許用銷金衣服帳幔寶石首飾鐲釧



宮中女樂冠服

洪武三年定制凡中宮供奉女樂奉鑾等官妻本色  
髻髻青羅圓領提調女樂黑漆唐巾大紅羅銷金花  
圓領鍍金花帶阜韉歌章女樂黑漆唐巾大紅羅銷  
金裙襖胸帶大紅羅帔額青綠羅彩畫雲肩描金牡  
丹花阜韉奏樂女樂服色與歌章同

嘉靖九年祀先蠶定樂女生冠服黑縞紗描金蟬冠  
黑絲纓黑素羅銷金葵花胸背大袖女袍黑生絹襯

衫錦領塗金束帶白韉黑鞵

教坊司樂妓冠服

洪武三年定明角冠阜褙子不許與民妻同教坊司  
婦人不許戴冠穿褙子衣服止用明綠桃紅玉色水  
紅茶褐色

欽定續文獻通考卷九十四

欽定四庫全書

史部

欽定續文獻通考卷九十五

給事中<sub>臣</sub>陳化龍覆勘

總校官內閣中書<sub>臣</sub>孫溶

欽定四庫全書

欽定續文獻通考卷九十五

王禮考

圭壁符節璽印

宋理宗寶慶二年九月加上寧宗皇帝徽號改製寶

寶式面廣四寸三分厚二寸五分蹲龍紐通高四寸

一分四面鉤環行龍

臣等謹按馬端臨考載宋之圭壁符節璽印終於

寧宗嘉定十六年宋史輿服志悉述之王圻續通考乃載十四年十五年事非追叙實蹟述耳嘉定後所見惟寶慶三年九月一條志又載理宗端平元年四月京湖制置司以所獲金寶物來上令金臣叅知政事張天綱辨識之其實玉一乃金人上其太祖諡寶也其法物則有銷金盤龍紅紵絲袍一透碾雲龍玉帶一

內方八勝結頭一塌尾一並玉塗金結頭一塗金小結攀一

連珠環玉束帶一

上有金龍帶上玉事件大小一十八又玉靶鐵剗一銷金玉事

件二皮茄袋  
一玉事件三天綱稱上項帶國言謂之兔鶻皆其

故主完顏守緒哀宗常服之物也碾玉巾環一様

皮龍飾角弓一金龍環刀一紅紵絲靠枕一佩玉

大環一皆非臣庶服用之物制旨冊一本舊作聖

旨近侍局掌之以承受內降指揮故主援東漢光

武故事今上書者不得言聖故避聖字改作制旨

外有臣下虎頭金牌三銀牌十四塗金印三及諸

官署銅印三百一十二并附錄之

又按王圻續通考載理宗紹定二年趙至道奏申  
嚴皇城司給牌之制債牌往來者照闌入法庶九  
重之地威禁益嚴亦防徼杜漸之一端從之寶祐  
二年詔皇太子授宗寧軍節度使給忠王印景定  
三年以李璫效順賜金鑲銀印二以紀志不載姑  
附錄以備考

遼自約尼氏之世受印於回鶻至伊蘭可汗請印於唐  
武宗始賜奉國契丹印



太祖神冊元年梁幽州刺史來歸詔賜印綬

是時帝受位約尼十年矣

臣等謹按帝紀是年四月晉幽州節度使盧國用  
來降梁遣郎公遠來賀不載梁幽州來歸事今從  
儀衛志

太宗會同九年十二月晉末帝表上傳國寶一金印三  
天子符瑞於是歸遼是年破晉北歸得玉印於汴宮  
藏隨駕庫

穆宗應歷二年詔周太宗舊寶

即得於汴京之玉印也

聖宗開泰十年七月遣古里馳驛取石晉所上玉璽於

中京

興宗重熙七年六月以有傳國寶者為正統賦試進士

後天祚帝保大二年正月避金兵率五千餘騎幸雲

中遂遣傳國璽於桑乾河

璽印

傳國寶始自秦漢及魏唐後石晉亡歸遼自三代以

來僭偽諸國摹擬私製歷代府庫所藏不一莫辨其  
偽 王印太宗得之於汴京 御前寶金鑄文曰御

前之寶

以印臣僚宣命

詔書寶文曰書詔之寶

凡書詔批答周之

契丹寶

受契丹冊符寶郎林寶置玉坐東

金印

三晉帝所上其文未詳

皇

太后寶

制未詳太祖天顯二年應天皇太后稱制羣臣上璽綬聖宗統和元年冊承天皇太后儀

符寶郎奉寶置

皇后印文曰皇后教印

皇太子

皇太后座右

寶

未詳其制重熙九年冊皇太子儀中書令授皇太子寶

印

吏部印文曰吏部之印

以印文  
官制誥

兵部印文曰兵部

之印

以印武  
官制誥

契丹樞密院契丹諸行軍部署漢人

樞密院中書省漢人諸行宮都部署印文不過六字

以銀珠為色

以上諸印並銀錢

南北王以下內外百司印

並銅  
鑄以

黃丹為色諸稅

杓宸印

杓宸驚高之總名以為印  
紐取疾速之義行軍詔賜

將帥用之道宗賜耶律仁先鷹紐印即此

符契

自達呼爾氏八部用兵則合契而動不過刻木為牌

合太祖受命易以金魚 金魚符

七枚黃金鑄長每六寸各有字號

魚左右判合之有事以左半先授守將使者執右半

大小長短字號合同然後發兵事訖歸於內府 銀

牌 二百面長尺刻以國字文曰宜速

又曰勅走馬牌國有重事皇帝

以牌親授使者手劄給驛馬若干驛馬缺取他馬代

法晝夜馳七百里其次五百里所至如天子親臨須

索更易無敢違者使回皇帝親受之手封牌印郎君

收掌 木契正面為陽背面為陰閣門喚仗則用之

朝賀之禮宣徽使詣陽面木契下殿至於殿門以契  
授西上閣門使云授契行勘勘契官聲喏跪受契舉  
手勘契同俛伏興鞠躬奏內外勘契同閣門使云准  
勅勘契行勘勘契官執陰面木契聲喏平身立少退  
近後引聲云軍將門仗官齊聲喏勘契官云內出喚  
仗木契一隻准勅付左右金吾仗行勘勘契官云合  
不合門仗官云合凡再勘契官云同不同門仗官云  
同亦再勘契官近前鞠躬奏勘官左金吾引駕仗勾

畫都知某官某對御勘同平身少退近後右手舉契云其契謹付閤門使進入閤門使引聲喏門仗官下聲喏勘契官跪以契授閤門使上殿納契宣徽使受契閤門使下殿奉勅喚仗木箭內箭為雄外箭為雌皇帝行幸還宮則用之勘箭官執雌箭東上閤門使執雄箭如勘契之儀

臣等謹按遼史統和元年正月以于越休格為南京留守仍賜南面行營總管印綬十月命宣徽使

蒲領等東討高麗賜旗鼓及銀符四年三月賜樞  
密使耶律斜軫彰國軍節度使杓窰印以趣征討  
四月命東京留守耶律摩濟林牙耶律穆嚕古蕭  
勤德領偏師助休格仍賜旗鼓杓窰印七年七月  
以伊勒希巴納喇威三部各四人益東北路來人  
布爾德仍給印綬遼之符印可見者如此至圭璧  
之制文不足徵惟冊皇太子儀皇太子遠遊冠絳  
紗袍束圭又五代史晉開運四年正月遼太宗入



汴二月朔通天冠絳紗袍執大圭視朝則知會同行漢禮後嘗用圭也

金太祖收國二年九月始製金牌

後又有銀牌木牌之制金牌以授萬戶銀牌以授明安木牌則穆昆所佩者故金初以空名宣頭付軍帥為功賞遞牌即國之信牌也

太宗天會元年十一月以銀牌給上京路軍帥實古訥富勒呼等二年正月以銀牌十給宗望五月實古訥

以所獲印綬二十二及銀牌來上八月詔增給六部都  
統達蘭銀牌十三年三月鄂囉獻傳國璽以瑪克實  
來附授印綬賜完顏羅索鐵券五月蕭巴錦獲遼寶玉  
來獻四年七月出金牌命貝勒大臬以所領渤海軍  
八明安為萬戶

金史禮志曰金克宋遼獲宋玉寶十五金寶七印

一金塗銀寶五玉寶受命寶一

咸陽所得三寸六分文曰受命於天

既壽永昌相傳為秦璽白玉蓋螭紐

傳國寶一

螭紐以上二玉並碧色

鎮國寶

一 文曰承天休延 又受命寶一 文曰受命於天 天子

之寶一 天子信寶一 天子行寶一 皇帝之寶一 皇

帝信寶一 皇帝行寶一 皇帝恭膺天命之寶二 四皆

寸八分 御書之寶二 一龍紐 宣和御筆之寶二 靖紐

金寶并印 天下同文之寶一 龍紐 御前之寶二 御書之

寶一 宣和殿寶一 皇后之寶一 皇太子寶一 龜紐 皇

太子妃印一 龜紐 金塗銀寶 皇帝欽崇國祀之寶一

天下合同之寶一 御前之寶一 御前錫賜之寶一

書詔之寶一外有宋內府圖書印三十八

內府圖書之印

一御書三御筆一御書玉寶一天子萬年一天子萬壽一龍上珍一河洛元瑞二雲漢之章一奎

壁之文一華閣之瑞一大觀中秘一大觀寶篆一政和一宣和三宣和御覽一宣和中秘一宣和殿制一宣和大寶一宣和書寶二宣和畫寶一常樂未央一古文二封四共三十五並玉封字一御畫一並賜瑞政和御筆一係水晶元圭一白玉圭一十九遼玉寶

四金寶二玉寶通天萬歲之璽一受天明命惟德

乃昌之寶一

皆方二寸

嗣聖寶一御封不辨印文寶一

金寶御前之寶一書詔之寶一

二寶金初用之

熙宗皇統五年三月復更造金銀牌

其制皆不傳

海陵正隆元年更鑄內外官印

詳見於後

世宗大定十八年十二月羣臣奉上大金受命萬世之

寶二十三年三月初製宣命之寶

金玉各一

二十四年

三月尚書省進皇太子守國寶

時帝將如上京台而校之

二十五年

年十二月命範銅為禮信之寶二十八年十二月詔

皇太孫攝政受攝政之寶

臣等謹按禮志十八年得美玉詔作大金受命萬

世之寶其制徑四寸八分厚寸四分盤龍紐高厚  
各四寸六分考左光慶傳初御史大夫完顏璋請  
製大金受命寶有司以秦璽文進帝命以大金受  
命萬世之寶為文詔閣門使左光慶篆之王圻續  
通考作康光慶考光慶乃企弓之孫淵之孫好古  
讀書善篆隸王圻以光慶前有康公弼傳遂誤以  
為康氏

又按衛紹王紀至寧元年六月右副元帥呼沙呼

謀逆尚宮左夫人鄭氏為內職掌寶璽聞難端居璽所待變呼沙呼遣黃門入收璽鄭曰璽天子所用呼沙呼人臣取將何為黃門曰今天時大變主上猶且不保況璽乎御侍當思自脫計鄭厲聲罵曰若輩宮中近侍恩遇元隆君難不以死報之反為逆豎奪璽耶我死可必璽必不與遂瞑目不語黃門出呼沙呼卒取宣命之寶偽除其黨數十人官呼沙呼傳其時召符寶郎圖克恒福壽取符

寶陳於大興府露塔上盜用御寶出制除官又召  
禮部令史張好禮欲鑄監國元帥印好禮曰自古  
無異姓監國者乃止附載於此

章宗明昌四年七月命以銀改鑄禮信之寶

仍塗以金

承安元年三月初造虎符發兵

宣宗貞祐三年七月定尚書所造諸符

樞密院鹿宣撫司魚統軍司虎

四年二月詔皇太子守禮總樞務以金鑄撫軍之寶  
授之



臣等謹按金史百官志載貞祐三年十二月以皇太子守緒控制樞密院詔鑄撫軍寶如世宗時制乃誤以四年為三年且不知鑄寶時哀宗尚未更名守緒也

### 鎮圭大圭

皇統九年十月禮部下太常書鎮圭式樣大禮使據三禮圖以進用之天定十一年太常寺言按禮大圭長三尺抒上終葵首天子服之自西魏隋唐以來大

圭長以尺一寸與鎮圭同蓋鎮圭以鎮天下四鎮山  
為飾今其圭已依古制惟無大圭今御府有故宋白  
玉圭圖無上綢及終葵首自西魏以來所制玉笏皆  
長尺有二寸方而不折雖非先王之法蓋後世玉難  
得隨宜故也擬合以御府所藏行禮就用

臣等謹按宋白玉圭及元圭已見所獲玉寶內王  
所續通考即附於鎮圭大圭下誤也此與皇太子  
執桓圭條俱從輿服志錄之

皇太子執桓圭

長九寸廣三寸厚半寸用白玉若屋之桓楹為二棧  
寶玉

禮志曰凡天子大祀則陳八寶及勝國寶於庭所  
以示守也

國初就用遼寶皇統五年始鑄金御前之寶一書詔  
之寶一天定十八年作受命之寶

制已見前

二十三年又

鑄宣命之寶

徑四寸二釐厚一寸四分  
紐高一寸九分字深二分

勅有司議所

當用奏今所收八寶及皇統五年造御前之寶賜宋  
國書及常例奏日則用之書詔之寶賜高麗夏國詔  
并頒詔則用之十八年所造受命寶奉勅再議今所  
鑄金寶宜以進呈為始一品及王公妃用玉寶二品  
以下用宣命之寶又有禮信之寶用銅歲賜三國禮  
物緘封用之

太皇太后皇太后皇太后皇太妃寶

皆用金

皇太子寶

金鑄龜紐大定二十四年有司定其文曰監國帝命以守易監比親王印廣長各加一分

百官之印

太宗天會六年始詔給諸司印其前所帶印記無問有無新命悉上送官敢匿者國有常憲至海陵正隆元年以內外官印新舊名及階品大小不一有用遼宋舊印及契丹字者遂定制命禮部更鑄三師三公

親王尚書令並金印

方二寸重八兩

一字王印

方一寸七分半

金鑲銀重四兩

二字諸郡王印

方一寸六分半金鑲一兩

品印

方一寸六分半金鑲三兩

三字二品印

方一寸六分半金鑲銅重二兩

十五兩

東宮三師宰執印

與郡王同

三品印

方一寸五分半銅重二十四兩

四品印

方一寸五分銅重二十兩

五品印

方一寸四分銅重二十兩

六品印

一寸

三分銅重

七品印

一寸二分銅重十六兩

八品印

一寸一分半銅重十四兩

九品印

一寸一分銅重十四兩

凡朱記

方一寸銅重十四兩

臣等謹按志云二字國公無印未詳何故存以備

考

大定二十四年二月鑄行尚書省御史臺并左右三部印以從幸上京章宗泰和元年八月安國軍節度使高有隣言本州所掌印三曰安國節度使之印曰邢州觀察使印吏戶禮案用之曰邢州之印兵刑工案用之以名實不正乞改鑄宰臣奏謂節度使專行之事當用節度使印觀察使亦如之其六曹提點所軍兵民訟則當用本州印著為定制從之八年閏四

月勅殿前都點檢司依總管府例鑄印以金木水火土五字為號如本司差人則給之

符制

太祖始制金牌

已詳見前

大定二十九年制綠油紅字者

尚書省文字省遞用之朱漆金字者勅遞用之並左右司掌之有合遞文字則牌送各部付馬鋪轉遞日行二百五十里如臺部別奉聖旨文字亦給如上制  
承安元年二月以禮官言漢與郡國守相為銅虎符



唐以銅魚符起軍旅易守長等用之至是斟酌漢唐典故其符用虎並五左一右左者留御前以侍臣親密者掌之其右符隨路統軍司招討司長官主之闕則次官主之若發兵三百人以上及徵兵召易本司長貳官從尚書省奏請左第一符近侍局以囊封付主奏者尚書備錄聖旨與符以函同封用尚書省印記之皆專使帶牌馳送至彼主符者視其封以右符勘合然後奉行若一有參差者不敢承用主者復用

囊封貯左符上用職印具發兵狀與符以本司印封  
即日還付使者送尚書省以進乃更其封以付內掌  
之人若復有事左符以次出周而復始仍各置歷注  
付受日月若盜賊急速不容先陳者雖三百人以上  
其掌兵官司亦許給付隨即言上詔即施行之貞祐  
三年七月更定尚書所造諸符已見前若發銀牌若省  
付部及點檢司者左右司用匣封印驗封交受若發  
於他處並封題押以匣貯之

鐵券

狀如卷瓦刻字畫欄以金填之外以御寶為合半留  
內府以賞殊功也

元世祖中統元年五月給蜀中歸附官吏宣命金符有  
差六月賜高麗國王封冊王印及虎符

至元元年七月定用御寶制

凡宣命一品二品用玉三品至五品用金其文曰皇  
帝行寶者即位時所鑄惟用之詔誥別鑄宣命金寶

行之

六年四月製玉璽大小十紐 九年二月詔賜札爾古齊銀印

以太祖開創所置位百司右故也

十三年正月巴延軍次皋亭山宋主遣宗室尹甫吉甫等以傳國玉璽及降表詣軍前巴延受之軍至湖州市遣千戶囊嘉特省掾王佑齋傳國玉璽赴闕二月令收百官誥命符印七月行中書省左右司郎中孟祺以故

宋金玉寶及牌印來上命太府監收之 十九年九月

勅各行省止用印一十一月改鑄省印 二十一年三

月更定虎符

三十一年四月

咸宗已即位

得玉璽

先是正月御史

中丞崔彧得玉璽於故臣之家其文曰受命於天既壽永昌上之徽仁懿聖皇后至是手授於帝

崔彧進傳國璽牋奏臣苗直宿衛御史通通事臣庫

庫楚即衛所告曰太師國王孫拾得之妻真榮病一

子甫九歲託以玉見賀及出玉印也取視之色渾青

綠而光彩射人其方可黍尺四寸厚及方之三不足

背紐盤螭四厭方際紐盡璽埒之上取中通一橫竅  
可徑二分舊貫以韋條面有篆文八刻畫徑捷位置  
勻適皆若蟲鳥魚龍之狀彷彿有若命字若壽字者  
召監察御史臣楊桓讀之曰受命于天既壽永昌此  
傳國寶璽文也乃加以淨綿複以白帕率御史臣楊  
桓通事庫庫楚等因鎮國上將軍都指揮使詹事王  
度端等進獻徽仁裕聖皇太后御前啓曰此古傳國  
璽也秦以和氏璧所造殿後有天下者寶之以君萬

國然自前代失之久矣今諸大臣會議迎請皇太孫  
不求而見此乃天示瑞應也宜早奉於行殿以符靈  
既三代以上璽文無所考諸史籍并寶璽篆文圖說  
傳國璽自秦至後唐璽不知所在至宋哲宗咸陽民  
獻玉璽及徽欽後凡有寶璽金皆取之內璽一十有  
四青玉傳國璽一其色與今所獻玉璽相同則知宋  
之南遷二百年無此寶璽也然自金取於宋寶璽出  
處得失亦未見明說以及我元適集皇太孫寶命所

歸之際應期而出臣職總御史親會盛事不可以不  
錄

郝經傳國璽論略曰二帝三王未聞有所謂傳國  
璽者及始皇并天下奮私智而為皇帝璽綬得楚  
和氏璧詔丞相斯篆其文刻為傳國璽謂已為始  
皇帝以傳萬世乃二世子嬰降而漢得之漢苟陋  
秦而從周以滅國所得與斬白蛇劍并藏武庫別  
取藍田渾璞刻為大漢受命之璽以示惟新可也



乃自比秦之子孫以為傳國璽於是偷國之盜莫  
不睥睨椰榆欲以為已有綰於周勃問於霍光奪  
於王莽挈於王憲專於更始上於孟孺復歸於光  
武至使肘後之石誤張豐於死東漢之亡劫於董卓  
卓獲於孫堅拘於袁術卒入曹丕之手魏傳之晉  
懷愍之難入于劉石復歸於金陵天下之人遂以  
為帝王之統不在於道而在於璽以璽之得失為  
天命之絕續或以紀年或假建號區區數寸之玉

為萬世亂階矣。厥後晉傳之宋，宋傳之齊，梁陳隋唐而五季更相爭奪，以得璽者為正統，宋靖康之亂為金所有。漢以來十有餘代，十有餘年，不明堯舜禹湯文武之道，競寶呂政亡國之器，襲訛踵陋，莫此為甚。且其制名為傳國，凡不以禮授受者皆不可謂之傳。征伐而得則謂之取，篡弑而得則謂之奪，攘竊而得則謂之盜。仍謂其璽為傳國，何哉？一代之受命自可為一代之璽，更其文為一代之文。

秦不傳漢漢不傳魏可也獨以秦璽為歷代傳國璽不可也

輟耕錄曰崔彥進傳國璽牋文乃楊桓所撰桓字武子兗州人精篆籀之學仕至國子司業庫庫楚拓跋氏成宗即位近臣以其事聞授漢中廉訪司僉事國史於安札爾傳謂拾得乃國王蘇肯徹爾之子謂桓辨其文曰受命於天既壽永昌於桓傳謂桓辨其文曰受天之命既壽永昌蓋秦別有受天

之命皇帝壽昌一璽又非此璽也

臣等謹按王圻云璽在漢為元后所擲角有微缺  
今此印明非秦所製疑即宋元符所得於咸陽民  
家者据此則邱濬又云此印得之故相之家楊桓  
考証以為秦璽誤也

成宗元貞二年二月詔奉使及軍官沒而子弟未襲職  
者其所佩金銀符歸於官違者罪之 十一年

武宗已即位

十二月命給金虎符等必由中書省

時中書省言舊制金虎符及金銀符與瑞院掌之給則由中書事已則復歸典瑞院今出入多不由中書下至商人結託近侍奏請以致泛濫出而無歸臣等請覈之自後除官及奉使應結者非由中書省勿給從之

武宗至大元年四月命諸王印符各準舊制并追商人虎符

樞密院言諸王各用其印符來驛使臣旁午驛戶困

之宜準舊制中書省言回回商人持璽書佩虎符乘驛馬臣等議虎符國之信器驛馬使臣所需今畀商人誠非所宜乞一槩追之制可

文宗天歷元年八月命河南行省造銀符以給軍士有功者九月鑄御寶成十月都爾蘇奉皇帝寶出降遂收上都諸王符印齊王伊魯特穆爾等奉上皇帝寶十一月凡內外百司印兵興而失者令中書如品秩鑄給之二年三月遣使奉皇帝寶於明宗行在所

王圻曰文宗開大章閣作二璽一天厯之寶一奎章寶命虞集篆文

至順二年七月詔給衍聖公從三品印

藝文少監歐陽元言先聖五十四代孫襲封衍聖公爵最五等秩登三品而用四品銅印於爵秩不稱詔鑄從三品印給之

三年七月詔吏賜雲南璽書三十三圓符四仍究詰所失者

雲南行省言舊降給驛璽書六十九金字圓符四伯忽之亂散失殆盡乞吏賜故有是詔

順帝至正元年五月詔刻宣文至正二寶八年四月

幸國子學賜衍聖公從二品銀印九年六月刻小玉

印以至正珍祕為文

凡祕書監所掌書畫皆職之

王圻曰帝作二小璽一曰明政殿寶一曰洪禧命

楊琚篆文

洪禧璽純白而龜紐黑色

圭璧



天子鎮圭制以玉長一尺二寸有袋副之

皇太后皇后皇太子寶

世祖中統十年授皇后皇太子冊寶

已見前

武宗至大

三年正月立皇后瀉吉哩氏遣托克托攝太尉授王

冊玉寶

立中瑞司掌之

仁宗延祐三年十二月立皇子寶迪

巴拉為皇太子授以金寶七年十二月英宗已即位

率百官奉玉冊玉寶加上太皇太后尊號英宗至治

元年十二月立伊奇哩氏為皇后遣攝太尉授玉冊

王寶文宗大厯元年十二月造皇后玉冊玉寶二年

五月明宗勅大都省臣鑄皇太子寶

時求太子故寶不知所近侍

伯不花言寶藏于上都行幄遣人至上都索之無所得乃命更鑄之

六月帝即文宗受皇

太子寶順帝元統元年十月上皇太后玉冊玉寶至

元元年九月命有司造太皇太后玉冊玉寶十月冊

寶成二年三月造武宗英宗明宗三朝皇后玉冊玉

寶三年三月以玉冊玉寶立鴻吉哩氏巴顏呼圖克

為皇后

虎符金銀符海青符

中統元年招諭四川各處山砦歸附官吏皆給宣命  
金符以石長不為大理國總管佩虎符賜高麗國王  
虎符八月授中書左丞張文謙虎符二年正月給李  
壇金銀符以賞將士六月以劉整行夔府路中書省  
兼安撫使佩虎符秦蜀行省言青居山都元帥奇徹  
等將校有功詔降虎符一金符五銀符五十七命行  
省銓定職名給之賜大理國主殺實虎符授管理崇

度府黎惟威茂叩灌七處軍民小太尉虎符七月以  
萬嘉努為安撫高麗軍民達嚕噶齊賜虎符八月給  
武衛軍都指揮使李伯裕海青銀符一有奏馳驛以  
聞以賈文備為開元女直領達勒達等處宣撫使賜  
虎符九月以海青銀符二金符十給中書省量軍國  
事情緩急付乘驛者佩之三年三月賜千戶張濟民  
鎮撫馬興金符四月賜諸王哈必濟金銀海青符各  
二五月以右丞相和爾布哈燕中書省都斷事賜虎

符七月賜夔州路行省楊大淵金符十銀符十九賞  
麾下將士別給海青符二事有急速馳以上聞九月  
以馬月合乃餉軍功賜金符授安南國王陳光炳及  
達嚕噶齊納喇丹阿珠虎符十月授益都行中書省  
都督府所統州郡官金符十七銀符十一四年正月  
給公主拜忽符印六月以蒙古岱為萬戶佩金符八  
月詔和木哈總管諸路驛佩金符至元元年五月以  
印部川六番安撫招討使都王明亞為鄰國建都所

殺勅其子伯特襲職賜金符三年十二月授梁成同  
知開府事佩金符四年五月威州山後大苗斯弄麻  
等十一族來附賜以璽書金銀符十月以阿努班迪  
喝等為喝吾等處總管并授璽書及金銀符鐵旗城  
番官官折蘭遣其子天郎持先受璽書及金符乞改  
授新命從之七年正月以孟克為安撫高麗使佩虎  
符七月賜諸王巴爾達噶海青金符二十一月以寶  
都及史拖並為高麗金州等處經略使佩虎符八年

三月勅軍官佩金銀符勅海青符用太祖皇帝御署  
五月賜河西行省金符及銀海青符各一九年正月  
賜南平王圖嚕銀印及金銀符各五五月給庫庫楚  
海青銀符二十一月以功賞千戶劉深等金銀符十  
一年十一月授黃順湖北道宣慰使佩虎符十四年  
三月命中外軍民官所佩金銀符以色組繫於肩掖  
庶無執遺具為令以施福為千戶佩金符六月命涪州  
安撫陽立為夔路安撫使子嗣榮為管軍總管並佩

虎符七月勅自今非佩符使臣及軍情急速不聽乘  
傳九月製鑄鉄海青圓符十五年正月以千戶鄭鄴  
有戰功升萬戶佩虎符三月以沿海經略副使哈喇  
岱為經略使兼左副都元帥佩虎符四月追江南工  
匠官虎符七月詔虎符舊用輝和爾字今易以國字  
閏十一月羅氏鬼國主河樺西南番主韋昌盛並內  
附詔各為其地安撫使佩虎符十二月都掌蠻夷及  
其屬內附以其長為安撫使賜虎符餘授宣勅金銀



符十六年五月以呂虎來歸授順慶府總管佩虎符  
七月以百戶詹福謀叛殺告者何士青犯總銀符十  
七年正月以張瑄為沿海招討使佩虎符十戶羅璧  
為管軍總管佩金符四月四川宣慰使伊克德齊請  
賜海青符命以二符給之十二月以高麗中贊金方  
慶為征日本都元帥密直司副使朴球金用鼎為管  
高麗國征日本軍萬戶並賜虎符以奉使木剌由國  
速刺蠻等為招討使佩金符十八年二月給征日本

軍海青符十月議封安南王號易所賜輝和爾字虎符以國字書之安南國置宣慰司以伯顏特穆爾為使佩虎符給隆興行省海青符命實哩咱雅僧格巴拉瑪哈達幹為占城郡王賜虎符十九年二月授溪洞招討使郭昂等九人虎符八月蒙古岱征羅氏鬼國還仍佩虎符為管軍萬戶二十年二月賜俱藍國王瓦你金符十月詔授總管陳義萬戶佩虎符二十一年五月封法里刺王為郡王佩虎符八月建都女

子沙智治道立站有功授虎符為萬戶改建昌路總  
管仍佩虎符十月以招討使張萬為征緬招討使佩  
三珠虎符二十二年正月以楊烏嚕克台為征骨嵬  
招討使佩二珠虎符五月以實都為踢里玉招討使  
佩虎符六月賜巴蘇呼虎符阿里金符十月授楊烏  
嚕克台三珠虎符為征東宣慰使都元帥二十三年  
十月以征緬功調招討使張萬為征緬副都元帥額  
森特穆爾征緬招討使達嚕噶齊千戶張成征緬招

討使並虎符十一月以張暄朱清並為海道運糧萬戶仍佩虎符二十四年九月以助征交趾詔海南瓊州路安撫使陳仲達佩虎符南寧軍總管謝有奎延攔總管符庇成佩金符二十八年三月南丹州莫國麟入覲授安撫使佩三珠虎符五月以叅知政事廉希恕為湖廣等處行省右丞行海北海南道宣慰使都元帥瓊州安撫使陳仲達為海北海南道宣慰使都元帥湖廣行省左右司郎中布延德濟巴實伯里

副元帥王信並同知宣慰使事副元帥並佩虎符征  
黎蠻九月以海船副萬戶楊祥為宣撫使佩虎符阮  
監兵部員外郎吳誌斗禮部員外郎並銀符以特哩  
為禮部尚書佩虎符使俱藍以陝西脫西為禮部侍  
郎佩金符使於馬都十二月以特默為兵部尚書佩  
虎符密實特達實為兵部侍郎佩金符使於羅博布  
爾二十九年正月以楊漢英為紹慶珍州南平等處  
沿邊宣慰使行播州軍民宣撫使播州等處管軍萬

戶仍佩虎符二月立征行左右軍都元帥府都元帥  
四副都元帥二上萬戶府達魯噶齊四萬戶皆四副  
萬戶八鎮府四各佩虎符以汪惟和為鞏昌等二十  
四處便宜都總帥兼鞏昌府尹仍佩虎符三月以八  
番羅甸宣慰使烏魯斯等並為八番順元等處宣慰  
使都元帥佩虎符遙授安南王陳益稷湖廣等處行  
中書省平章政事佩虎符六月詔以右江岑從毅子  
斗榮襲佩虎符為鎮安路軍民總管廣南西路安撫

副使七月授阿里三珠虎符張存一珠虎符九月以  
湖南道宣慰副使梁曾授吏部尚書佩三珠虎符翰  
林國史院編修官陳孚授禮部郎中佩金符同使安  
南十月授高德誠管領海船萬戶佩雙珠虎符三十  
年二月以新附洞蠻吳動鼉為潭溪等處軍民官佩  
金符十月以侍衛親軍千戶張邦瑞為萬戶佩虎符  
賜星哈納塔音酋長三珠虎符十一月以金齒木朵  
甸戶口增立下路總管府給其為長者雙珠虎符三

十一年時成宗已即位四月以金齒歸附阿嚕為孟定路總管佩虎符十月遣南巫里速木答剌繼沒剌矛毬陽使者各還其國賜以二珠虎符及金銀符

元貞元年正月以行樞密院既罷賜行中書省長官虎符領其事立北庭都元帥府以赫伯為都元帥色埒默為副都元帥皆佩虎符立察遜塔拉都元帥府以斡都察為都元帥佩虎符四月以雅克諾木假兵部尚書佩虎符使馬答兒的陰閏四月立梭羅招討



使司以塔爾呼岱為使佩虎符六月立蒙古軍都元帥府以阿拉克特穆爾雅爾哈並為都元帥佩虎符十一月賜阿魯酋長虎符二年十一月賜蠻洞將領彭安國金符大德元年二月賜緬國世子信合八的虎符又賜緬王弟撒邦巴一珠虎符酋領阿散三珠虎符從者金符四月賜烏魯斯布哈圓符七月賜馬八兒國塔喜二珠虎符二年五月置和林宣慰司都元帥府以呼喇珠耶律希周納琳哈喇並為宣慰司

都元帥佩虎符三年正月賜暹番國世子虎符四年  
五月增雲南王緬國十五驛驛給圓符四驛券十二  
五年二月以劉深哈喇岱並為中書右丞鄭祐為叅  
知政事皆佩虎符分雲南諸路行中書省事仍置理  
問等官給圓符四驛券二十六年七月亦乞不薛土  
官三人棄家來歸賜金銀符十一月授劉國傑裨將  
宋光金符十一年武宗已即位十月以行省平章總  
督軍馬得佩虎符

至大二年七月詔改松潘疊宕威茂州安撫司以巴爾斯德濟為宣撫司達嚕噶齊懋昭為副使並佩虎符三年九月升平伐等處蠻夷軍民安撫司同知陳思誠為安撫使佩金虎符四年時仁宗已即位十一月立乖西府以土官阿馬知府事佩金符

延祐二年十二月賜雲南行省叅政汪長安虎符預  
軍政

至治元年三月以特克實為御史大夫佩金符領忠

翊侍衛親軍都指揮使十二月以金虎符頒各行省  
平章事二年五月以拜珠領宗仁蒙古侍衛親軍都  
指揮使司事佩三珠虎符

泰定帝泰定元年七月以山東鹽運司判官瑪哈穆  
特為吏部尚書佩虎符翰林修撰楊宗瑞為禮部郎  
中佩金符奉詔往安南十二月以岑世興黃勝許並  
為懷遠大將軍遙授沿邊溪洞軍民安撫使佩虎符  
二年七月置車里軍民總管府以土人寒賽為總管

佩金虎符三年九月置昭哀地吾仲地哀培地路州  
甸有差并降金符銅印

天歷元年十月給淮東宣慰司銀字圓符二年十月  
以南建洞主王官知南康州事佩金符領軍民至順  
元年六月立行樞密院討雲南賜給驛璽書十五銀  
字圓符五又賜四川行省左丞孛羅金虎符十月賜  
雲南行省叅政呼達沙三珠虎符二年正月遣吏部  
尚書徹里瓦佩虎符禮部郎中趙期頤佩金符以即

位詔告安南國五月立雲南省蘆傳路軍民總管府  
以土官為之制授者各給金符雲南威楚路之蒲蠻  
猛吾來朝貢詔置散府一土官三十三所皆賜金銀  
符以巴延領之八月以銀符二十八賜拱衛直百戶  
九月以金虎符賜中書平章政事伊拉齊十二月以  
黃金符鐫文曰翊忠徇義迪節同勲賜西域親軍副  
都指揮使奇徹

旌天歷初紅  
橋戰功也

三年五月賜湖廣行省

平章政事托音納爾金虎符

元統元年十二月以納剌尼都代其父塔齊爾為脫  
羅國軍民安撫使司達嚕噶齊錫三珠虎符二年正  
月雲南土酋姚安路總管高明來獻方物錫符印遣  
之五月詔文濟王曼濟鎮大名雲南王阿魯鎮雲南  
給銀字圓牌至元元年十一月賜知樞密院事徹爾  
特穆爾三珠虎符二年七月命宗王布哈齊駙馬伊  
嚕布哈特古斯嘉琿鎮色徹肯吉魯爾之地各賜銀  
牌遣之三年五月給平伐都雲定雲二處安撫司達

嚕噶齊溫都爾等虎符五年十月詔命巴延為大丞相賜七寶玉書龍虎金符至正元年三月以行省平章政事雅克特穆爾就佩虎符提調屯田二年十二月賜雲南行省叅知政事布拉三珠虎符六年七月招降死可伐散毛洞蠻覃全在以為散毛摠厓等處軍民宣撫使置官屬給宣勅虎符八年正月詔給銅虎符以宮尉鄂勒哲布哈桂齊衛副指揮壽山監湖廣軍十二年閏三月命興瑞院給淮南行省銀字圓



牌三面驛券五十道十三年六月給舒爾哈等三人  
銀牌一面管領沃濟野人又詔皇太子位下儀衛司  
指揮給二珠金牌副指揮給一珠金牌十四年十二  
月命哈瑪爾提調經正監都水監會同館知經筵事  
就帶元降虎符十五年二月詔富民願出丁壯義兵  
者為萬戶千戶百戶有差仍降宣勅牌面十月命兵  
工二部尚書實巴爾玉安童以金銀牌一百六十五  
面給淮東宣慰使司等處義兵官員十一月以台哈

布哈為湖廣行省左丞相給以功賞宣勅金銀牌面  
二十三年九月賜瓜哇國主三珠虎符

諸王及百官印

中統元年六月高麗國王王僎遣子永安公禧判司  
宰事韓即來賀即位以國王封冊王印及虎符賜之  
十二月以梵僧帕克斯巴為帝師授以玉印三年正  
月賜廣寧王瓜都駝紐金鍍銀印及諸王哈必濟行  
軍印四年正月給公主布呼符印至元元年七月給諸

王伊蘇布哈印賜諸王王隆哈實印二年二月賜親  
王烏魯克岱河間王印三年六月封皇子諾木歡為  
北平王以印給之十二月給諸王哈必濟行軍印四  
年八月封皇子和哥齊為雲南王賜駝紐金鍍銀印  
十月賜駝馬布哈銀印五年六月封諸王錫里濟為  
河平王賜駝紐金印六年十月賜諸王鄂囉齊駝紐  
金鍍銀印七年七月賜諸王巴爾達噶印九年正月  
賜南平王圖魯銀印十三年三月賜郡王瓜都銀印

四月賜諸王圖魯金印七月賜諸王博囉印十四年  
二月改安西王傳銅印為銀印十五年七月改鑄高  
麗王王愷駙馬印十七年五月賜諸王伯奇特穆爾  
銀印又賜國師掌教所印十月賜雲南王和哥魯印  
十九年二月勅改給駙馬昌吉印七月賜高麗王瞻  
金印二十年正月賜諸王徹里彌印二月降太醫院  
為尚醫監改給銅印三月給王傳烏尼庫特齊印二  
十一年五月賜安北王孛紐金印六月詔封皇子托

歡為鎮南王賜塗金銀印七月賜皇子北安王印二  
十二年正月封駙馬索隆噶為寧昌郡王賜龜紐銀  
印十月賜托里齊安塔哈吉魯爾阿薩爾等印十一  
月賜皇子阿雅噶齊銀印二十四年十月僧格言諸  
王星納噶爾印文曰皇姪貴宗之寶寶非人臣所宜  
有宜因其分地改為濟南王印從之十一月僧格言  
皇子孟克封為安西王置王相府後封秦王綰二金  
印今嗣王阿南達仍襲安西王印弟阿爾坦布哈別

用秦王印其下復以王傳印行一藩而二王恐於制  
非宜詔阿南達嗣為安西王仍置王傳而上秦王印  
二十五年二月賜雲南王塗金駝紐印十一月改釋  
教總制院為宣政院印用三臺二十七年正月賜鎮  
遠王雅克都呼靖遠王哈坦塗金銀印各一十月封  
皇孫噶瑪拉為梁王賜金印二十八年正月給諸王  
阿雅噶齊印二月封諸王特穆爾布哈為肅遠王賜  
之印五月授高麗王世子源特進上柱國賜銀印七

月賜師壁洞安撫司師壁鎮撫所師羅十戶所印二  
十九年十二月中書省言里孫晉王噶瑪拉昔鎮雲  
南給梁王印今進封晉王請給晉王印三十年二月  
高麗國王請升其僉議府為僉議司降二品印從之  
七月詔皇曾孫松山出鎮雲南以皇孫梁王印賜之  
八月給安西王府斷事官印三十一年時成宗已即  
位六月封駙馬奇爾濟蘇為唐王給金印

元貞元年正月封皇姑囊嘉特章公主為魯國大長

公主駙馬曼濟台為濟寧王賜金印十二月又賜帝  
師雙龍紐玉印二年七月賜諸王鄂勒哲布大德元  
年二月封的立普哇拿阿迪提牙為緬國王賜銀印  
三月封諸王特穆爾布哈為鎮西武靖王賜駝紐印  
三年正月賜永和爾為定遠王賜金印十二月賜諸  
王烏呼納銀印四年正月賜諸王達實特穆爾金印  
二月賜諸王額默根金印六月詔立緬國王子窟麻  
刺哥撒八為緬國王賜銀印以伊徹察喇為太師鄂



勒哲為太傅皆賜之印五年正月以兩淮鹽法滯  
命轉運司官兩員分司上江仍頒印七年三月詔遣  
奉使宣撫循行諸道郝大挺等並給二品銀印十一  
月併海道運糧萬戶府為海道都漕運萬戶府給印  
二八年十二月封諸王徹伯爾為威武西寧王賜金  
印九年二月封諸王鄂勒哲為衛安王定遠王永和  
爾為威定王並賜金印十年二月封博囉為鎮寧王  
賜金印五月封駙馬圖卜特穆爾為濮陽王賜金印

十一年時武宗已即位六月詔立母弟阿裕爾巴里  
巴特力喇為皇太子受金寶封寧遠王庫庫楚為寧  
王賜金印十一月封諸王雅克都呼為楚王賜金印  
至大元年六月立仁宗為太子受金寶遣使四方旁  
求經籍以玉刻印章命近侍掌之封永和爾為定王  
駙馬附克寔為昌王並賜金印九月諸王圖們進所  
藏太宗玉璽封圖們為陽翟王賜金印十一月賜諸  
王訥默古哩金印十二月封呼魯蘇為隴王賜金印

二年二月鑄金印賜句容郡王綽和爾三月賜雲南  
王羅丹金印四月以建新寺置提調監造三品銀印  
十二月封西僧迷不韻子為寧國公賜金印三年十  
月封僧額琳沁策喇實為文國公賜金印四年四月  
時仁宗已即位封知樞密院事特穆爾布哈為宣寧  
王賜銀印改封親王德勒格爾布哈為湘寧王賜金  
印六月封伊蘇丹為懷仁郡王賜銀印閏七月以西  
僧藏布班巴爾為國師賜玉印十二月賜濟王圖烈

納印

皇慶元年正月制諸王設王傳六人銀印四月封鄂國大長公主蒙克台為太長公主賜金印二年九月封托歡為安定王賜金印三年正月特授實保齊巴勒噶遜達嚕噶齊托歡金紫光祿大夫尉仍給印七月封伊嚕音特穆爾為保恩王賜金印四年二月升蒙古國子監秩賜銀印五月加封太長公主蒙克台為皇姑太長公主給金印五年二月封諸王鴻和特

穆爾為嘉王圖們特穆爾為武平王並賜印三月賜  
寧海王巴圖爾金印增給兩淮運司分司印一七月  
調軍五千烏蒙等處屯田置總管萬戶府給銀印十  
一月增置大都南北兩兵馬司指揮使色目漢人各  
二人給分司印一六年正月特授同知徽政院事醜  
驢達爾罕金紫光祿大夫太尉給銀印三月封諸王  
伊魯特穆爾為恩王給印六月升大乾元等提點所  
為總管府給銀印十月增河東陝西鹽運司判官一

人給分司印二十一月增京畿漕運司同知副使各  
一人給分司印

至治元年四月給諾木達實王府銀印庫春和塔拉  
默色王府銅印十二月封索諾木藏布為白蘭王賜  
金印二年三月給行通政院印賜諸王鄂羅木烏遜  
銀印十二月定托克托和斯入流官選給印與俸封  
齊齊克圖為武寧王授金印三年七月封諸王呼圖  
克特穆爾為威遠王授金印十二月時泰定帝已即

位授諸王色徹肯以其父故金印給諸王巴拉實哩印  
泰定元年正月賜諸王太平呼喇台巴克寔特穆爾  
等金印賜司徒道住印四月封巴拉實哩繼母滿達  
勒為皇妹昌國大長公主給銀印九月封伊蘇額布  
根為荊王賜金印十月徙封雲南王旺沁為梁王以  
其子特穆爾襲雲南王封親王圖卜特穆爾為懷王  
並賜金印以出班為開府儀同三司朔國公給銀印  
二年九月復尚秉寺光祿寺給銀印三年五月給尚

寧公主印七月封阿都齊為晉寧王以伊嚕特穆爾  
嗣齊王並給金印九月以大車里昭哀地蓋隆甸土  
官吾仲地威楚路禿刺寨長辰培地各置路州甸有  
差並降金符銅印四年四月以西僧恭噶伊寔巴鍾  
喇寔嘉勒嶸巴勒藏布為帝師賜玉印

天歷元年八月鑄樞密分院印十月賜雅克特穆爾  
太平王黃金印十一月給殿中侍御史及冀寧路印二  
年正月賜豫王黃金印八月封雅爾朶寔哩為遼王



以故遼王托克托印賜之十一月西夏僧總統封國  
公瓊布卒其弟嘉勒傑藏布襲職仍以璽書印章與  
之以諸王喇特納寔哩珣戴有勞以其父越王圖喇  
印與之復給元江路軍民總管府印十二月給幽王  
和塔拉默色王傳印至順元年五月遣豫王喇特納  
寔哩鎮西番授以金印賜諸王托歡金印大司徒布  
呼齊銀印七月封諸王阿固察為廣寧王授以金印  
以庫春貝大司徒印授薩里閏七月封諸王瑪辰為

永寧王授金印鑄黃金神仙符命印賜掌金真教道士苗道一授額琳特穆爾大司徒印甘肅平章政事奈曼台封宣寧郡王授以金印駙馬錦濟勒封鄆國公授以銀印九月授布呼齊及伊嚕特穆爾大司徒印二年三月以西僧蘇尼德巴迪爾班迪為三藏國師賜金印命宣靖王邁努置王傅等官立宮相都總管府給銀印四月改宣忠扈衛親軍都萬戶府為宣忠烏羅斯扈衛親軍都指揮使司賜銀印五月改阿

蘇萬戶府為宣毅萬戶府賜銀印加額爾吉訥大尉賜銀印七月封巴延為浚寧王賜金印八月封托琳和塔拉為靖恭王寔喇卜多爾濟為懿德王並給以塗金銀印十一月封諸王沃濟為保寧王賜印以其先所受印賜諸王呼圖克特穆爾之子唐古台詔給伊喇肆努分行省印三年正月命高麗國王王肅仍為國王賜金印三月詔西寧王色埒默如安定王多爾濟巴勒例置王傅官四人鑄印給之五月復以

司徒印給萬安寺僧嚴吉祥

元統元年十一月封巴延為秦王賜金印二年二月  
封額爾勒額布根為昌寧王賜金印至元元年十二  
月詔宗室托克托穆爾襲封荆王賜金印三年七月  
賜袞布巴勒西平王印十二月徵西域僧結喇嘛  
至京師號灌頂法師賜玉印至正元年三月給還特  
穆爾布哈宣讓王印七年十月詔左右丞相平章樞  
密知院御史大夫得賜玉押字印十一年五月命同

知樞密院事圖沁以兵討劉福通授以分樞密院印  
十二年五月命龍虎山張嗣德為三十九代天師給  
印十三年正月命烏蘭哈達烏克遜良碩兼大司農  
卿給分司農司印四月命南北兵馬司各分官一人  
就領通州瀋州直沽等處巡捕官兵給分司印六月  
三皇子阿裕寔哩達喇為皇太子授以金寶十二月  
西安王喇特納寔哩為豫王弟達爾瑪討賊有功以  
西安王印與之十四年十一月賜諸王諾木達寔金

鑄紐印十五年十二月給湖廣行省分省印十六年  
二月命滿滿為靖安王賜金印二十七年八月特穆  
爾布哈進封淮王賜金印

輟耕錄曰蒙古色目人之為官者或不能執筆花  
押例以象牙或木刻而印之宰輔及近侍官至一  
品者得旨則用玉圖書押字非特賜不敢用按周  
廣順二年平章李穀以病臂辭位詔令刻名印用  
据此則押字用印之始也

草木子曰元朝一品衙門用三臺金印二品三品用兩臺銀印其餘大小衙門印雖大小不同皆用銅其印文皆用巴特瑪帝師所制蒙古字書惟宣命之寶用玉以玉筋篆文此其異也

明太祖洪武元年製寶璽

明初寶璽十七

詳見於後

先是欲制寶璽有賈胡浮海獻

美玉曰此出于闐祖父相傳當為帝王寶璽乃命製為寶不知十七寶中此玉製何寶也

二年製功臣鐵券

帝欲封功臣議為鐵券而未有定制或言台州民錢允一有家藏吳越王鏐唐賜鐵券遂遣使取之因其式而損益焉三年大封功臣公六人侯二十八人並

賜鐵券

公李善長徐達李文忠馮勝鄧愈常茂侯湯和唐勝宗陸仲亨周德興華雲龍顧時耿炳

文陳德郭子興王志鄭遇春賁吳良吳楨趙鼎廖永忠俞通源華高楊璟康鐸朱亮祖傅友德胡美韓

政黃彬曹良臣梅思祖陸聚

二十五年改製鐵券賜公

傅友德侯王弼

耿炳文郭英

及故公

徐達李

侯

吳傑沐英

凡八家永樂初靖難



功臣亦有賜者

十五年製符節二十三年以各道印篆相類命改鑄  
初帝重御史之職分河南等十三道每道鑄二印文  
曰繩愆糾謬守院御史掌其一其一藏內府有事則  
受以出復命則納之至是從都御史袁泰言乃有是  
命

二十六年定符牌之制

凡公差以軍情重務及奉旨差遣給驛者兵部既給

勘合即赴內府關領符驗給驛而去事竣則繳其制詳於

後

惠帝建文三年正月朔凝命神寶成

按寶之緣起及制度尺寸俱詳玉石

之異門

宣宗宣德元年製金寶賜貴妃孫氏

帝以貴妃有容德特請於皇太后製金寶賜之未幾即誕皇嗣自是貴妃授寶遂為故事

孝宗弘治十三年六月陝西獻土璽却之

鄆縣民毛志學於泥河濱得玉璽其文曰受命於天  
既壽永昌色白微青螭紐巡撫熊紳以為秦璽復出  
遣人獻之以禮部尚書傅瀚言却而不用

傅瀚言自有秦璽以來歷代得喪真偽之跡具載  
史籍今所進篆文與輟耕錄等書摹載魚鳥篆文  
不同其螭紐又與史傳所紀文盤五龍螭缺一角  
旁刻魏錄者不類蓋秦璽亡已久今所進與宋元  
所得疑皆後世摹秦璽而刻之者竊惟璽之用以

職文書防詐偽非以為寶玩也自秦始皇得藍田  
玉以為璽漢以後傳用之自是巧爭力取以為得  
此乃足以受命而不知受命以德不以璽也故求  
之不得則偽造以欺人得之則君臣色喜以誇示  
於天下是皆貽笑千載我高皇帝自制一代之璽  
文各有義隨事而施真足以為一代受命之符而  
垂法萬世何藉此璽哉帝從其言故却而不用焉  
武宗正德十六年命非朝叅官不得給牙牌

時禮科邢寰言牙牌惟常朝職官得懸比來權姦侵柄傳旨升官者輒佩牙牌宜清核以重名器乃命文職不朝叅者勿濫給武官進御侍班佩刀執金爐者給與

世宗嘉靖十八年新製御寶

凡七寶

詳見於後

與國初寶璽共為御寶二十四尚寶司

官掌之

三十七年定符牌之制

守一方不受鎮守節制內外守備並領符驗奏事凡  
監鎗整飭兵備并一城一堡守備官不許關領符驗  
神宗萬曆六年三月少師張居正乞歸葬父範銀為印  
以賜之

張居正傳

命撫按諸臣先期馳賜璽書敕諭葬畢即上道範帝  
資忠良銀印以賜如楊士奇張孚敬例得密封言事

皇帝王圭

圭長一尺二寸刻其上刻山四以象四鎮之山

益周  
鎮圭

之制異於大  
圭不琢者也

以黃綺約其下別以囊韜之金龍文

成祖永樂三年定服袞冕時用之又定服皮弁時王  
圭長如冕服之圭有脊嘉靖八年定服武弁時王  
視鎮圭差小刻上方下有篆文曰討罪安民

### 皇帝寶璽

明初凡十七其大者曰皇帝奉天之寶

唐宋傳寶惟  
祀天地用之

曰皇帝之寶

凡詔若  
敕用之

曰皇帝行寶

立封及賜  
勞用之

曰皇帝

信寶

詔親王大臣用兵用之

曰天子之寶

祀山川鬼神用之

曰天子行

寶

封外國及賜勞用之

曰天子信寶

詔外夷調兵用之

曰制誥之寶

賜

命用之亦曰誥命之寶

曰勅命之寶

賜勅用之

曰廣運之寶

獎諭臣工用之

曰皇帝尊親之寶

冊上尊號用之

曰皇帝親親之寶

勅諭親王用之

曰敬天勤民之寶

勅諭來朝官用之

有御前之寶

以進御座用之又

有表章經史之寶及欽文之璽丹符出驗四方

嘉靖時新製七寶曰奉天承運天明天子寶大明受

命之寶巡狩天下之寶垂訓之寶命德之寶討罪安



民之寶勅正萬民之寶與國初寶璽共為御寶

皇后玉穀圭

圭長七寸刻其上琢穀文黃綺約其下韜以黃囊金

龍文

服禮服時用之

皇妃次玉圭琢穀文以配鞠衣

皇太子玉圭

圭長九寸五分以錦約其下并韜

服袞冕時用之皮并同皇太

子妃玉圭同皇妃

親王玉圭

圭長九寸二分五釐

服充冕時用之

妃及公主皆不用圭

親王世子圭

圭長九寸

服充冕時用之皮弁同

郡王圭同親王世子

郡王以下俱不得用圭

皇后冊寶

金冊二片

依周尺長一尺二寸廣五寸厚二分五釐字依數分行鐫以真書

上下有

孔聯以紅絲開閣如書帙藉以紅錦褥冊蓋用木飾

以渾金漚粉蟠龍紅紵絲襯裏內以紅羅銷金小袂  
裏冊外以紅羅銷金夾袂包之五色小絛縈於外寶

用金龜紐篆文曰皇后之寶

依周尺方五寸九分厚一寸七分

寶池

用金濶取容寶篋二副一置寶一置寶池每服三重  
外篋用木飾以渾金漚粉蟠龍紅紵絲襯裏中篋用  
金銀蟠龍內小篋飾如外篋內置寶座四角雕蟠龍  
飾以渾金座上用錦褥以銷金紅羅小夾袂裏寶其  
篋外各用紅羅銷金大夾袂覆之臨冊之日冊寶俱

正紅絲輿案案頂有紅羅漚水用擔床舉之

皇貴妃而下有冊無寶而有印

妃冊用鍍金銀冊二片

廣長與后冊同

冊蓋飾以渾金漚粉

踏鳳其印用金龜紐

尺寸與諸王寶同

文曰皇妃之印蓮飾

以踏鳳宣德元年授貴妃金寶嘉靖十年立九嬪冊用銀殺皇妃五分之一以金飾之

皇太子冊寶

冊用金二片

其制及蓋僅之節與皇后冊同

寶用金龜紐篆書皇太

子寶

其制及池篋之飾與后寶同

皇子妃冊寶

冊用金兩葉

重百兩每葉高一尺二寸廣五寸

籍冊以錦聯冊以紅

絲絳墊冊以錦褥裏冊以紅羅銷金袂其盃飾以渾金漚粉雲鳳內有花銀釘鉸嵌金絲鐵篋簪外以紅羅銷金袂覆之其金寶之制未詳洪武二十八年更定止授金冊不用寶

親王冊寶

冊制用金

與皇太子同

其實用金龜紐

依周尺方五寸二分厚一寸五分

文曰某王之寶

池篚之飾與皇太子寶同

寶蓋之飾則雕螭螭

親王妃冊印

其金冊高視太子妃冊減一寸

餘制悉同

冊文視親王其

金印之制未詳洪武二十八年更定止授金冊

公主冊印

銀冊二片鐫字鍍金藉以紅錦褥冊蓋飾以渾金漚

粉螭螭其印同宋制用金龜紐文曰某國公主之印

方五寸二分  
厚一寸五分

印池用金廣取容印外篋用木飾以渾

金漚粉盤鳳中篋用金銀端鳳內小篋飾如外篋

親王世子金冊金寶

承襲止授金冊傳用金寶

世子妃金冊

洪武二十三年鑄世子妃印制視王妃金印龜紐篆

文曰某世子妃印

郡王鍍金銀冊印

冊文視世子

郡王妃冊

止有鍍金銀冊無印

功臣鐵券

制如瓦第為七等公二等

一高九尺廣一尺六寸五分  
一高九寸五分廣一尺六寸

侯三等

一高九寸廣一尺五寸五分  
一高八寸五分廣一尺四寸五分

伯二等

一高七寸五分廣一尺三寸五分  
一高六寸五分廣一尺二寸五分外刻履

歷恩數之詳以記其功中鐫免罪減祿之數以防其



過字嵌以金凡九十七副各分左右左頒功臣右藏  
內府有故則合之以取信焉

百官印信

洪武初鑄印局鑄中外諸司印信正一品銀印三臺

方三寸四分厚一寸六部都察院並在外各都司俱正二品銀

印二臺方三寸二分厚八分其餘正二品從二品官銀印一臺

方三寸一分厚七分惟衍聖公以正二品三臺銀印則景帝景

泰三年賜也順天應天二府俱正三品銀印方二寸九分厚

六分五釐

其餘正三品從三品官俱銅印

方二寸七分厚六分

太僕

光祿寺並在外鹽運司俱從三品銅印

方減一分厚減五釐

正

四品從四品俱銅印

方二寸五分厚五分

正五品從五品俱銅

印

方二寸四分厚四分五釐

在外各州從五品銅印

方減一分厚減五釐

正

六品從六品俱銅印

方二寸二分厚三分五釐

正七品從七品俱

銅印

方二寸一分厚三分

正從八品俱銅印

方二寸厚二分五釐

正從九

品俱銅印

方一寸九分厚二分二釐

未入流者銅條記

闊一寸三分長二寸

五分厚二分一釐

以上俱直紐九疊篆文初雜職亦方印至

洪武十三年始改條記

凡百官印信惟文淵閣銀印直紐

方一寸七分厚六分

玉箸篆

文誠重之也武臣受重寄者在西鎮朔平蠻諸將軍

銀印虎紐

方三寸三分厚九分

柳葉篆文洪武中嘗用上公佩

將軍印後以公侯伯及都督充總兵官名曰掛印將

軍有事征伐則命總兵佩印以往旋師則上所佩印

於朝此外惟漕運總督印同將軍其在外鎮守總兵

參將掛印則仁宗洪熙元年始也有文臣掛將軍印

者王驥以兵部尚書征湖貴苗掛征蠻將軍印王越  
以左都御史守大同掛征西將軍印其他文臣大臣  
有領勅而權重者或給以銅關防直紐

廣一寸九分  
五璽長二寸

九分厚  
三分

九疊篆文雖宰相行邊與部曹無異惟正德

時張永征安化王用金鑄嘉靖中顧鼎臣居守用牙  
鑲關防皆特賜也河南十三道每道二印

已見洪武  
前

二十三年以各道印篆相類乃命改製某道監察御  
史其奉差者則曰巡按某處監察御史銅印直紐有

眼

方一寸五分厚三分八疊篆文

賜印

臣等謹按王圻續通考載賜印記等事如太祖賜懿文太子白玉印方一寸二分文曰大本堂記中宮皇后白玉印方亦如之文曰厚載之記成祖賜仁宗玉押曰人主中正仁宗即位時宣宗方為皇太孫復舉以授之命印職章奏又賜蹇義夏元吉楊士奇黃淮楊榮金幼孜印曰繩愆糾繆而義有

寔忠貞士奇有楊貞一之印宣宗賜義曰忠厚寬  
弘原吉曰舍弘貞靜士奇曰清方貞一榮曰方直  
剛正胡濙曰清和恭靖又文恭世家吳中曰和敏  
詳達景泰帝賜少傅胡濙曰忠正惟篤少保王文  
曰忠誠匪懈衍聖公孔弘緒曰謹禮崇德世宗賜  
楊一清文曰耆德忠正又繩愆糾違賜張孚敬曰  
忠良貞一又繩愆弼違又別記永嘉張茂恭桂夢  
曰忠誠靜慎又繩愆匡違李時曰忠敏安慎方獻

夫曰忠誠直諒費宏曰舊輔元臣夏言曰學博才  
優顧鼎臣曰經緯首選翟鑾曰清謹學士又繩愆  
輔德又顧鼎臣居守時賜牙刻關防皆特恩也又  
有方士權璫等皆邀賜印以事無足採故從刪略  
明初賜高麗金印龜紐方三寸文曰高麗國王之印賜  
安南鍍金銀印駝紐方三寸文曰安南國王之印賜占  
城鍍金銀印駝紐方三寸文曰占城國王之印賜吐蕃  
金印駝紐方五寸文曰白蘭王印

符牌

凡宣召親王必遣官齎金符以往親王之藩及鎮守

巡撫諸官奏請符驗俱從兵部奏行尚寶司領之符驗

之制上織船馬之狀起馬者用馬字號起船者水字號起雙馬者達字號起單馬者通字號起站船者信

字號

洪武四年始製用寶金牌凡軍機文書自都督府中書省長官而外不許擅奏有詔調軍中書省同都督府覆奏乃出各所藏金牌入請用寶又造軍中調發



符牌用鐵

長五寸  
闊半之

上鈹二飛龍下鈹二麒麟首為圓

竅貫以紅絲絛嘗遣官齎金牌信符詣西番以茶易

馬其牌四十一上號藏內府下號降各番篆文曰皇

帝聖旨左曰合當差發右曰不信者斬二十二年又

頒西番金牌信符其後番官款塞皆齎原降牌符而

至永樂二年製信符金字紅牌給雲南諸蠻凡歷

代改元則所頒外國信符金牌必更鑄新年號給之

此信符之達於四裔者也其武臣懸帶金牌則洪武

四年所造

潤二寸  
長一尺

上鈐雙龍下鈐二伏虎牌首尾為

圓竅貫以紅絲絛指揮佩金牌雙雲龍雙虎符千戶

佩鍍金銀牌獨雲龍獨虎符百戶素雲銀牌符太祖

親為文鈐之曰上天祐民朕乃率撫威加華夏實憑

虎臣賜爾金符永傳後嗣天子祀郊廟若視學耜田

勲衛扈從及公侯駙馬五府都督日直錦衣衛當直

及都督率諸衛千百戶夜巡內皇城金吾諸衛各輪

官隨朝巡綽俱給金牌有龍者虎者麒麟者獅者雲

者以官為差其扈駕金字銀牌則洪武六年所造尋

改為守衛金牌以銅為之塗以金

高一尺  
闊三寸

分字號凡

五仁字號上級獨龍螭雲花公侯伯都督佩之義字

號銀伏虎螭雲花指揮佩之禮字號銀獅旁螭雲花

千戶衛鎮撫佩之智字號銀獅子螭雲花百戶所鎮

撫佩之信字號銀螭雲花將軍佩之牌下鑄守衛二

篆字背鑄凡守衛官軍懸帶此牌等二十四字牌首

竅貫青絲鎮撫及將軍隨駕直宿衛者佩之下直則

納之凡夜巡官於尚寶司領令牌禁城各門金吾等  
衛指揮千戶分領申字號牌午門自一至四長安左  
右門東華門自五至八西華門自九至十二元武門  
自十三至十六五城兵馬指揮亦日領令牌東西南  
北中城分領木金火水土五字號留守五衛巡城官  
並金吾等衛守衛官俱領銅符留守衛指揮所領承  
字及東西北字號牌俱左半字陽文左比金吾等衛  
端門承天門東西北安門指揮千戶所領承字及東

西北字號俱右半字陰文右比銅符字號比對相同  
方許巡行內官內使之出亦須守門官比對銅符而  
後行皇城九門守衛軍與園子手各領勇字號銅牌  
錦衣校尉上直及光祿寺吏典廚役過大祀俱佩雙魚  
銅牌永樂六年駕幸北京扈從官俱帶牙牌五府六  
部都察院大理寺錦衣衛各鑄印信通政司鴻臚寺  
各鑄關防謂之行在衙門印信關防其後命內府印  
綬監收貯嘉靖十八年南巡禮部領出以給扈從者

馬

凡郊廟諸祭祀供事官及執事者入壇俱領牙牌  
洪武八年始也圓花牌陪祀官領之長花牌供事官  
領之長素牌執事人領之又謂之祀牌凡駕詣諸陵寢  
扈從官俱於尚寶司領小牙牌嘉靖九年皇后行親  
蠶禮文官四品以上武官三品以上命婦及使人俱  
於尚寶司領牙牌有雲花園牌鳥形長牌之異凡文  
武朝參官錦衣衛當駕官亦領牙牌以防姦偽洪武

十一年始也其制以象牙為之刻官職於上不佩則

門者却之私相借者論如律

牙牌字號公侯伯以勲字駙馬都尉以親字文

官以文字武官以武字教坊官以樂字  
入內官以官字 已上互見職官門

嘉靖二十八

年內府供事匠作武職官皆帶朝叅牙牌嘗奉旨革  
奪旋復給之給事中陳邦修以為言禮部覆奏會典  
所載文武官出入禁門帶牙牌有執事供事朝叅之  
別執事供事者皆屆期而領如期而繳惟朝叅牙牌  
得朝夕懸之非徒為關防之具亦以示等威之辨也


虛銜帶俸供事執事者不宜緊領第出入禁闥若一切革奪何由譏察尚寶司所貯舊牌數百上有入內府字號請以給之至於衛所武官掌印僉書侍衛之外非屬朝參供役者盡革奪之其納粟填註冒賜牙牌及罷退閒住官舊所關領不繳者俱逮問報可

使節

初製黃色三詹寶蓋長二尺黃紗袋籠之又製丹漆架一以節置其上使者受命則載以行使歸則持之



以復命洪武二十三年詔考定使節之制禮部奏漢  
光武時以竹為節柄長八尺其毛三重而黃公紹韻  
會註漢節柄長三尺毛三重以旄牛為之詔從三尺  
之制



欽定續文獻通考卷九十五